



## Universitätsbibliothek Paderborn

### **Consilia || Salomonis, || Sive || Collecta Salomonis || Axiomata**

Maxime Necessaria Homini, ut se ipsum sapienter dirigat ; E Gallico In  
Latinum versa, revisa & amplicata per Auctorem, cum Indicibus  
necessariis

**Cureau De Lachambre, Pierre**

**Coloniæ Agrippinæ, 1694**

3 Vanitas vanitatum, universa vanitas & afflictio spiritus. Eccl. 1.

**urn:nbn:de:hbz:466:1-37935**

facit, cùm potius deberes studere, omnia melius quām plebs peragere.

Hinc non sequaris ejusdem devotiones, sed eas transcendas; non imiteris plebem in via salutis, & sanctis justitiæ exercitiis, sed considerando tuam conditionem, progrediaris primus, & sis omnium exemplo.

Tene tuum locum in templo, & non permitte, ut aliquis te sit devotior aut modestior, & quia alios præcedis nobilitate, sit locus tuus ante altare, & sis in Sacrificio propinquior Deo, ac intensior in oratione.

Recordare quod non sit medium securius, quo præcedas communem plebem, quam si fueris magis quām ea, humilis ante supremam divinam Majestatem, & hanc perfectius adoraveris.

### REGULA TERTIA.

*Vanitas vanitatum, universa vanitas, & afflictio spiritus. Eccl. 1.*

### PARAPHRASIS.

*In nullo amorem figas quam in Deo, verum enim bonum & verum gaudium*

A 3

nen

*Confilia Sapientiae,*  
*non nisi in eo invenitur. Bonum quod*  
*ante oculos apparet, te decipit, & non*  
*est nisi illusio & vanitas; Falsum &*  
*apparens bonum, devenit verum ma-*  
*lum, ex eo quod nobis placeat, & quod*  
*incipiamus illud amare.*

### REFLEXIO.

**O**Mnes hujus vitæ felicitates sunt  
vanæ & deceptoriae, nos tamen il-  
las, dum se nobis offerunt, stabiles &  
immobiles judicamus, imò cor nostrum  
ex sola earum apparentia allectatur, illis  
manibus pedibusque inhiat, & in iisdem  
obcoecatur, ut sibi promittat, se illas æ-  
ternūm possessurum.

Sed hoc est profluentem retinere a-  
quam, ex momento enim quo credimus  
nos illas possidere, incipiunt à nobis fu-  
gere, dum enim illas quodammodo pos-  
fidemus, iis congaudemus, nobis illas  
reciproce promittimus, & inseparabi-  
liter in iis spes nostras collocamus, dere-  
pentè manibus nostris elabuntur; Illæ  
cursum suum prosequuntur, sicut nos  
nostrum, imò nos ipsi eas relinquimus,

&amp;

& nos cum illis eò progredimur, quo fa-  
to seu ordinatione divinâ vocamur, &  
quò ipsum tempus nos dedit, nempe  
illas ad nihilum & nos ad mortem.

Tempus est breve, & terminus pro-  
pinquis, non procul absunt gaudia unius  
momenti à lachrymis æternitatis, & ali-  
quando tantum unâ nocte inter se di-  
stant longi anni quos nobis præfigura-  
mus. Sæpè quos videmus isto vespere  
potentes & fortunatos, sequenti mane  
sunt sepulti sub propriis ruinis.

Hodie nobiscum sunt felicitates, sa-  
nitas, divitiae & honores, cras verò om-  
nes hæ vanitates sunt aér, ventus & fu-  
mus, corpus nostrum in tumulo, & ani-  
ma nostra in altero mundo, ubi plorabit,  
& æternum, sed nimis tardè, dicet: *Un-  
versa vanitas, & afflictio spiritus.*

Causa quare despicere deberemus has  
fugitivas felicitates, consistit in hoc solo  
verbo: *Vanitas*: Deus enim solus est  
verum bonum, cætera bona creata sunt  
productiones & umbræ hujus essentialis  
& infiniti boni: Considera & aperi o-  
culos.

Si es dives , & Deus recedit à corde tuo, quid tibi remanet, super quo jaētari possis ?

Si esses hæres & Dominus in imaginatione alicujus domūs , nullum tamen desuper haberes jus , nec etiam potestatem & licentiam intrandi , qualis esset hæc hereditas , & quale dominium ? Si esses Dominus alicujus thesauri , vel reddituum Dominus alicujus Regni vel Imperii , etiam totius orbis , & omnium imaginabilium, si possideres omnia creata , omnia opera & dona Dei , & tamen eum non haberes , qualis esset possessio pro tali anima , quæ anhelat ad verum bonum , & quæ suam quærit satisfactiōnem in solo Deo ?

Quod pejus est , hæc creata , hædīvitiae , hæmagnificentiae sunt circa te , & non intra te ; Aurum & argentum ingrediuntur tuam domum , concupiscentiae in tuos oculos , & in tuos sensus , non tamen ulterius progrediuntur , multò minus in eum locum veniunt , ubi tuā majores necessitates & tua immortalia desideria requiescunt , tantum umbras

&amp; s.

& figuræ suæ eò mittunt, de tot  
enim bonis & felicitatibus congregatis  
& conservatis tantâ cum diligentia nihil  
in corde tuo aliud retines, quâm ea-  
rum umbram.

Meditare pusillum, si posses audire  
gemitus & singultus, qui in medio tua-  
rum concupiscentiarum ex imo tui cor-  
dis proveniunt; Plora super te ipsum  
& confitere, quod sis dignus compassio-  
ne, cùm ab ortu tuo & quidem incessu-  
santer cum displicentiis extremis quæ-  
ras veritatem veritatum, ut sis semel fe-  
lix; Et tamen non aliam invenias, quâm  
vanitatem vanitatum, umbram umbra-  
rum, imaginem apparentiarum & illu-  
sionum; *Vanitas vanitatum & afflictio*  
*spiritus.*

Ut autem consoleris, non quære te  
ipsum, nec spem tuam pone in quiete,  
nec quæras felicitatem tuam per regulas  
arrogantiarum & alicujus Philosophiarum mun-  
danarum.

Scio equidem quod humana pruden-  
tia & politica proprii amoris homini in-  
sinuant pro felicitate consequenda, ut

**50** *Consilia Sapientiae,*

renunciet omnibus creaturis , & quodammodo ipsi Creatori , ut nullam sui partem extra se querat , seipsum solummodo possideat , fruatur suis propriis recreationibus , se ipso contentus vivat ; Et quod hæc sit vera felicitas , sibiique ipsi placere sit melius , quam placere Regibus , sed *animadvertisit* , quod hoc quoque

*sit Vanitas.*

Recordare , quod anima tua sit perfectissima & nobilissima imago primi & supremi Entis , & è contra ultima Vanitatum omnium , quando privatur gratiâ .

Omne enim , quod capacitatem habet continendi & in se recipiendâ Deum non potest separari à Deo , quin ita vacuum efficiatur , quam sit ipsa magnitudo Dei .

Nempe quando anima eò redacta est ut nihil diligit , & nihil possideat quam ipsam ; Hæc anima spiritualis & immortalis nihil aliud est , quam aliquod vacuum & privatio immensa , & infinitus dolor : nam

Anima nostra est res ad eò divina & excel-

excellens , ut ex momento , quo Deus non est cum ipsa , sit idem , quām ipsa damnatio , & proprius sui infernus .

Differentia duarum animarum peccatricum , unius damnatae & alterius adhuc viventis in terra , & in corpore humano clausæ , non alia est , quām quod illa se videat clarè damnatam & in substantia malum proprium sentiat ; Ista verò hoc nondum videat nec sentiat .

Quando anima tua separata à Deo per peccatum se sentiet , & in igne videbit infelicem ; Actus suæ desperationis , & clamores sui doloris erunt illi , quos Propheta à longinquo audivit , & repetiit hi verbis : *Reddidit me vas inane :* dicet enim , Deus me fecit vas immensum & pretiosum , capax fruendi suâ gloriâ , & possidendi suam divinitatem , interim recessit à me , & reliquit me vacuam . Sum enim solum ipse ego , & hoc est afflictio afflictionum , & verus infernus ; Nam esse spiritum & esse solum , est esse animam immortalem & esse vanitatem . *Vanitas & afflictio spiritus .*

A 6

RE-